

ინფორმაცია პროექტის შესახებ სტუდენტებისთვის:

GIPA-ს ადგილობრივი თვითმმართველობის აკადემია 2026

მოგესალმებით,

გაცნობებთ, რომ საქართველოს საზოგადოებრივ საქმეთა ინსტიტუტი (GIPA) იწყებს 5 თვიან პროექტს „GIPA-ს ადგილობრივი თვითმმართველობის აკადემია სტუდენტებისთვის 2026“. ინიციატივის მთავარი მიზანია თბილისისა და საქართველოს სხვადასხვა რეგიონის უნივერსიტეტების სტუდენტებში ადგილობრივი თვითმმართველობის საკითხებზე ცნობიერების ამაღლება, მათი პრაქტიკული უნარების განვითარება.

გთხოვთ, აღნიშნული პროექტის შესახებ ინფორმაცია გაავრცელოთ თქვენ სტუდენტებს შორის, რათა დაინტერესებული ახალგაზრდები ჩაერთონ პროექტში.

პროექტის შესახებ

ადგილობრივი თვითმმართველობის აკადემია არის ინტენსიური საგანმანათლებლო პროგრამა იმ სტუდენტებისთვის, ვისაც სურს გაიაზროს და ისწავლოს ადგილობრივი თვითმმართველობის ინსტიტუციური მოწყობა, უფლებამოსილებები, მუნიციპალური ფინანსები და ჩაერთოს ადგილობრივი განვითარების პროცესებში.

სამიზნე აუდიტორია: - ბაკალავრიატის მაღალი კურსის სტუდენტები, მაგისტრატურის სტუდენტები და უნივერსიტეტის ახლად კურსდამთავრებულები.

პრიორიტეტი: უპირატესობა მიენიჭებათ სოციალური მეცნიერებების, სამართლისა და სახელმწიფო მართვის ფაკულტეტის სტუდენტებს, თუმცა პროექტი ღიაა ყველა მიმართულების ახალგაზრდისთვის).

პროექტის ფარგლებში განსაკუთრებული ყურადღება დაეთმობა შშმ ახალგაზრდებისა და ეთნიკური უმცირესობების წარმომადგენლების ჩართულობას.

გეოგრაფიული არეალი

თბილისი და საუნივერსიტეტო ქალაქები (ქუთაისი, ბათუმი, თელავი, ზუგდიდი, გორი და ახალციხე). თითოეული რეგიონიდან შეირჩევა 3-4 სტუდენტი.

შერჩევის პროცესი

შესარჩევად კანდიდატები გაივლიან ორეტაპიან კონკურსს, რომელიც უზრუნველყოფს მოტივირებული და აქტიური სტუდენტების შერჩევას. მსურველებმა უნდა შეავსონ მარტივი სარეგისტრაციო ფორმა, სადაც დააფიქსირებენ თავიანთ მონაცემებს, უნივერსიტეტს და კურსს.

 **სარეგისტრაციო ბმული:**

[https://docs.google.com/forms/d/e/1FAIpQLSf9SitQdxNWveqvpTIsaRGhIYH9Y2CLKb5BTJrw8NNwsBBZzw/vi
ewform](https://docs.google.com/forms/d/e/1FAIpQLSf9SitQdxNWveqvpTIsaRGhIYH9Y2CLKb5BTJrw8NNwsBBZzw/vi
ewform)

სარეგისტრაციო ფორმის შევსების დროს აპლიკანტმა უნდა დაწეროს სამოტივაციო წერილი ან აუდიო-ვიდეომიმართვა და უპასუხოს კითხვას: „რატომ მაინტერესებს ადგილობრივი თვითმმართველობა და რას გავაკეთებდი ჩემი მუნიციპალიტეტისთვის?“

პროექტის ეტაპები

- ეტაპი I (ონლაინ ტრენინგები): შერჩეული სტუდენტები გაივლიან ონლაინ კურსს და შეისწავლიან მუნიციპალური მმართველობის პრინციპებს, საკონსტიტუციო გარანტიებს, ადგილობრივ ბიუჯეტებს, მოქალაქეთა ჩართულობის მექანიზმებს, ურბანულ განვითარებასა და მუნიციპალურ სერვისებს. პროგრამა ასევე მოიცავს ლიდერობის, ეთიკისა და თანამედროვე ტექნოლოგიების (მათ შორის AI-ის) გამოყენების საკითხებს.
- ეტაპი II (პრაქტიკული კომპონენტი): პირველი ეტაპის შედეგად შეირჩევა 25 სტუდენტი, რომლებიც გააგრძელებენ სწავლას. ისინი გაივლიან პირისპირ ტრენინგებს, მენტორების მხარდაჭერით მოამზადდებიან ჯგუფურ კვლევით ნაშრომებს და წარადგენენ შემაჯამებელ ღონისძიებაზე.
- შემაჯამებელ შეხვედრას დაესწრებიან უნივერსიტეტების წარმომადგენლები, თვითმმართველობის ექსპერტები, აკადემიური წრისა და მუნიციპალიტეტების წარმომადგენლები.

განაცხადების წარდგენის ბოლო ვადა: 12 ოქტომბერი

წინასწარ გიხდით მადლობას თანამშრომლობისთვის!

პატივისცემით,
ირინა გორგილაძე

GIPA-ს მმართველობის სკოლის დეკანი